

P. 601, L. -1【**法身慧命**】法身以智慧為生命。如色身必賴飲食長養，而法身必賴智慧以長養。若智慧之命夭傷，則法身之體亡失。天台四教儀：「末代鈍根，於佛法中起斷滅見，夭傷慧命，亡失法身。」(P189,p.60a3-4)「起斷滅見：一者，破戒，撥無因果，斷見；二者，說於無常，滅見。夭傷慧命，無戒門也。亡失法身，無乘門也。若常途論，自報慧命、理體法身，在眾生不滅、諸佛不增，以迷背故，夭傷亡失。」(P189,p.61a4-8) P：永樂北藏。

P. 602, L. 3【**但治一兩種有緣者**】對照前後文，所治不遍，應是指有發道心者，以四諦、十二因緣為藥方，能令斷見思惑、證涅槃，故云「差已不發」。

P. 602, L. 4【**拙度**】《止觀輔行傳弘決》卷 6：「大論第七作巧拙二醫譬云。如用針藥名為拙度。用呪術者名為巧度。亦如二渡。若用草筏名為拙渡。用方舟者名之為巧。雙舟曰方。聲聞化人。苦行頭陀。初中後夜。勤心禪觀。苦而行道。名為拙度。菩薩化人。觀諸法實。無縛無解。心得清淨。名為巧度。」(T46,p.337c12-18)將通教『體空觀』及藏教『析空觀』作一對照，兩者皆從假入空觀，亦均有破界內見思惑之能，但觀法上巧、拙不同，體空觀被稱為「巧度觀」，析空觀被稱為「拙度觀」。～《中華佛教百科全書》、《大智度論》卷6(T25,p.107a21-28)

P. 602, L. 5【**敗種**】焦芽敗種。指不能發無上道心之二乘。因與草芽之枯焦、種子之腐敗者無異，故稱為「焦芽敗種」。又作「根敗壞種」，聲聞、緣覺既無發起成佛之心，結果喪失證悟佛果之因種，稱為根敗壞種。二乘之人墮於空理，僅知孤調自度，不知利他度他，終必歸於寂滅，且敗壞佛道、佛果之根芽因種。此語出自《維摩經·不思議品 6》及《佛道品 8》，謂二乘如焦芽敗種，不能發無上道心。～《佛光大辭典》

P. 602, L. -7【**阿含云**】《雜阿含經·三八九經》卷 15：「爾時世尊告諸比丘：「有四法成就，名曰大醫王者，所應王之具、王之分。何等為四？一者善知病，二者善知病源，三者善知病對治，四者善知治病已，當來更不動發。」(T02,p.105a25-29)

P. 602, L. -4【**不能令平復者**】《法華文句記》卷 10：「後之三醫，初云「不能令平復」者，但自入未深，未能令他見本法身，無明本有，義之如損，令還得見，方名為「復」。第九雖乃得云後心，以第八醫但在十信，第九理須初住已上至金剛心。第十究竟名「過本」者，對前名「復」故此云「過」，以第九

2022/3/29

醫始從初住終至等覺已名復故。何者？法身本有，今令證本，故名為復。若爾，妙覺復畢，何名為『過』？以對性得無功用故，故修名過。若爾，初住已上亦名分過，何獨妙覺？言殘惑在，且名為復；又讓極地究竟名過。」(T34,p.339a29-b10)

**P. 602, L. -2【舊醫、客醫】**指舊時之醫師。即以舊醫比喻佛教成立以前之外道學說，為「客醫」之對稱。於佛教尚未成立之前，印度已有許多外道學說探討人生諸問題，此稱為「舊醫」；而佛教係後來成立之宗教，對舊醫而言，則稱為「客醫」。舊醫亦為醫師之一，然因無法隨順眾生之根機而治眾生病，故較客醫拙劣。此係出自南本《涅槃經·哀歎品》之譬喻。若將十善或孝養父母、尊敬師長等世間一般之善行稱為舊善、舊戒；對此而言，佛教特有之五戒、八戒、具足戒等即稱為客善、客戒。～《佛光大辭典》

**P. 603, L. 1【三達】**在羅漢謂之「三明」，在佛謂之「三達」。即天眼、宿命、漏盡，於三事通達無礙的智慧神通。善導《觀念阿彌陀佛相海三昧功德法門》：「問曰：夫人福力強勝。蒙佛加念故見佛。末法眾生罪愆深重。何由得與夫人同例？……答曰：佛是三達聖人。六通無障。觀機備教。不擇淺深。但使歸誠。何疑不見。」～《中華佛教百科全書》、(T47,p.26a3-7)

**P. 603, L. 3【善治眾病】**《妙法蓮華經文句》卷 9：「十二部教，文理甚深，如「明練方藥」，依四悉檀，治眾生病，如「善治眾病」也。《無量義》云「醫王、大醫王」，以大醫故稱為良醫。」(T34,p.134b16-18)《法華文句記》卷 10：「第八九醫通得名王，唯第十醫獨名大王。」(T34,p.339c6-7)《無量義經》：「船師、大船師，運載群生，渡生死河，置涅槃岸；醫王、大醫王，分別病相，曉了藥性，隨病授藥，令眾樂服；調御、大調御，無諸放逸行，猶如象馬師，能調無不調，師子勇猛，威伏眾獸，難可沮壞。」(T09,p.384c4-8)

**P. 603, L. 4【多諸子息】**《妙法蓮華經文句》卷 9：「多諸子息，若十聲聞；二十支佛；百數菩薩。菩薩之子，凡有三種子義」(T34,p.134b18-20)《法華文句記》卷 10：「且置二乘先別指菩薩者，通以未發心者為第一，二乘仍攝在第二例中者，以取退大二乘故耳。於菩薩中更為三者，修性三因有離合故。」(T34,p.339c8-11)

**P. 603, L. -3【以有事緣】**《妙法蓮華經文句》卷 9：「以有事緣遠至他國者，譬過去應化中現滅也。」(T34,p.134c12-13)